

KALATA'N MƏ ZUDI HELELI'N

M'ə wə nun'n

Zudi nən Zvaki, be ti yé Mın Zozi Kilisi anianman ngutua (be nían Matie 13.55, Maaki 6.3). Ye nzi man asənin ehəle kən'n mə Zudi heleli kalata ehi nwanlın yí'n. Nan kəsu, ye de ye di ke ə heleli nwanlın asənin mə yé Mın Zozi mməfve'n-mə nanndı nın be bəli'n. Yí nzin, Zudi muonun sılın lıka sə'n-mə ə yəli asənin. Ejəle'n mə ə'a han wə yí kalata ehi anun'n, ə nən m'ə wə 2 Pielı 2 nın anun'n soman bé nwon kaan. Ejəle'n m'ə wə kalata nın anun'n y'ə le ke anın ato ngehelefvə mmie-mə nanndı nın be kikan ejəle be seci asənin'n. Bé nyəlie ete sə'n-mə anwən ati yê Zudi heleli asənin mma'n-mə ke be jınlan bé ja nın kpa be hún dedi nın ati.

Ahın ebisa

¹ Mın Zudi mə n dı Zozi Kilisi akva mə ese n dı Zvaki anianman'n yê mın keke kalata ehi ə. Mın keke mın nwan bé mə yé Sı Nyanmıan a fele bé yí nwon, m'ə kulo bé kpa, mə ese ə nıan bé sv man Zozi Kilisi'n.

² Mın 'bisa emə ahın. Nyanmıan nwún emə anwən anwunnvoe ə cíci emə alva ə hulo emə, man emə hulo bé nwon kpa.

Ato ngehelefvə'n-mə.

³ Anianman ehulo mma, ə wə mın kunnun kpa ke n gəle emə wə ngəan ele'n mə emə nən mın ye le yí m'ə ti kən nın anwən kalata. Nan mele mə mın 'keke kalata ehi'n, m'an nıan dede a, anın ə di ke mın

kele emə min wowula bé anwənsəle maan emə kən dedi nın ati. Dedi sən, Nyanmian a fa a man bé mə be ti yí di'e'n kpê kpənmgba bəkəə. ⁴ Mə min kan'n y'ə le ke menian mmie-mə a laka emə b'a wəlu emə afian. Menian sən-mə ti man Nyanmian menian. Ɔ sanlın ke be butu Nyanmian Anvan Ejəle nın anyın ası. Nyanmian a nwun yé nwən anwunnvoe ə'a man y'a nyan fanwəndi. Nan bé, be kekele menian'n-mə ke be kuala ke be nanndı fanwəndi sə nın asu be yə like biala mə be kulo ə. Əhika ati, bé muonun be ti satılıfə, eSe be ju Zozi Kilisi mə yí ngənmın cein ə ti yé Kpain ə nən yé Mın'n be tv. Nán ene bie ə, be hanlın wə Nyanmian Anvan Ejəle nın anun ke Nyanmian 'ba bua menian sən-mə ndeə.

⁵ Mın sı ke emə sı yí yuein be sie ke Nyanmian kpınlın yəli m'ə leli Izalayə amma'n-mə ati fi Ezipiti mən nın anun ələ'n. Nan kəsü, min kacı emə ke Izalayə amma sən-mə mə be fi Ezipiti mən nın anun be tuli həli mə b'a nne man Nyanmian b'a nni man'n, ə hunlın bé. ⁶ Emə ati kacı ke nyanmiansu mməfə'e'n-mə mə bé nın a nzo man dibelə'n mə Nyanmian falı manlın bé, mə be fi nyanmiansu bé awulo nın anun be tuli walı asie nın asu ewa'n, Nyanmian a sie bé awosin nın asie nın abu. Nyanmian a gua bé sa nən bé ja ngənzəngənzə dede ə kə ju cıan mə ə 'bua bé ndeə. ⁷ Emə ati kacı Sodəmən nən Goməə nən kulo'n-mə mə be mantan mantan bé'n-mə. Əbele menian'n-mə yəli nyəle ete'n mə nyanmiansu mməfəe sən-mə yəli'n bie. Anın menian sən-mə ti satılıfə. Menian'n-mə mə Nyanmian sənlin bé ələ'n, əbele menian sən-mə kpəndəli bé nən nna. Nyanmian kə tv bé nın sîn ə kə yala bé ə kə tua bé nyəle sə nın anwən kale.

᠔. Be ti ke mmaka ma b'a tutu be bu b'a gua ma b'a yue wu bakoo ᠔. ¹³ Be ti ke asue jenvie nun anyinsu mgbaha nin anwon esulo'n. Be anyunnunnguasie nyolie'n-ma ti ke mgbaha nin ahule'n ma jenvie'n bo gua o yaci ewula'n. Be ti ke nzalama ma be le tu ᠔. Nyanmian a sesie ato ngehelefoe so'n-ma lika. Lika so'n, o ti awosin bibaa kpa. Awosin so'n wo ebele dahuu.

¹⁴ Ejole ma Nyanmian fali wulali Adamon angbenzu kun ma be fele yi Enoki anwan'n, ejole so'n, o kan ato ngehelefoe so'n-ma bie. Yi nwan: “Emo nian, ye Min non nyanmiansu anwontie mmofue akpu akpu 'ba a. ¹⁵ O non be 'ba a o bua menian'n-ma kwalaa ndee. O 'tua etefoe'n-ma kwalatin kale wo be nyolie ete ete'n-ma anwon. O 'tua be kale wo anyinnzo'n ma be mman man Nyanmian nin anwon. O 'tua etefoe'n-ma kale wo ejole ete ete'n ma be kan be tia Nyanmian ese be jasv yi komin anun nin anwon.” ¹⁶ Menian so'n-ma ma m'an han be ejole'n, be jujo be konvin avu, be kunnun jali man le. Be asitanlan nun, like ma be kulo'n ye be yo ᠔. Be ti tutule ese be huhu menian'n-ma be didi be nwon.

Ekannzue.

¹⁷ Nan emo die, anianman ehulo mma, emo man be ti tanlan ejole'n ma ye Min Zozi Kilisi mmofoe'n-ma hanlin heleli emo nin asu. ¹⁸ Afi be hanlin be heleli emo ke: “Mele kasian nin anun, menian mmie-ma 'ba fite fite be gulu emo anwon, ese be 'bo bala ete ma be kunnun kulo ᠔.” ¹⁹ Ato ngehelefoe so'n-ma ma m'an han be ejole'n, be ye be man afi-annzecie non mgbaci-mgbacie'n ba ᠔. Nyanmian Wawe'n nzie man be, nan be ngonmun ye be sie be nwon ᠔.

²⁰ Nan emə diɛ, anianman ehulo mma, emə bɔ mɔndɪnlɪn bɛ tɪla bɛ dedi nwannzan-nwannzan nɪn anun bɛ bɔka bɔka bɛ nwɔn bɛ hɔ bɛ nyun-nun. Emə mán Wawɛ Nwannzan-nwannzan nɪn atɪn maan ɔ bɔka emə mmɔtɔɛ ɛyɔɛ nɪn anun.

²¹ Emə bɔ bala kpa maan Nyanmian húlo emə. Emə tánlan anyɪndasɔɛ nɪn anun bɛ nwónndɛ yé Mɪn Zozi Kilisi. Afi yí yê ɔ 'nwun anwunnvoe ɔ man emə nyan nyanmiansɔ ngɔan'n m'ɔ le man ayuelɛ nɪn ɔ. ²² Emə héle bɛ mɔ bɛ jin gua nda nɪn asɔ nɪn atɪn kpa'n ²³ maan bɛ fá sɔ nán b'a ngua man sɪn nɪn anun. Emə nwún ehɪnlɪn-mə mɔ b'a sɪn atɪn ɛtɛ nɪn asɔ'n kɔsɔ anwɔn anwunnvoe. Nan kɔsɔ emə súlo nɪn yê bɛ taladiɛ'n-mə mɔ bɛ wula bɛ yɔ bɛ nyɔɛ ɛtɛ ɛtɛ'n-mə'n, nán bɛ fa bɛ sa bɛ kan yí bɔbɔ fíí.

Ayɛ ɛyɛ

²⁴ Sian diɛ, mɪn 'yɪ Nyanmian ayɛ. ɔ sanlɪn kɛ ɔ kɔala ɔ nɪan emə sɔ nán emə a ndu a nvin man. ɔ kɔala kɛ ɔ man emə anwɔn mmu man ɛbɔɪn bɛ fite yí nyunnun wɔ fɛ elie nɪn kpa. ²⁵ Ecendu Nyanmian, yé Mɪn Zozi Kilisi dunman nɪn, mɪn 'yɪ wɔ ayɛ mɪn kannvɔ wɔ. Afi, wɔ ngɔnmɪn ala y'ɛ tɪ yé Nyanmian ɛ tɪ yé Ngɔbandefɔɛ ɔ. ɛ le anunminnyanmɔn, wɔ nwɔn yɔ esulo, ɛ le tunmin. Bia'n tɪ wɔ diɛ daba, ɛnɛ nɔn mɛɛ daa! Amɪn.

Nyɥhyɛ Fɔfɔlɛ'n
Anyin: Nyɥhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2024-02-11

PDF generated using Haiola and XeLaTeX on 21 Feb 2024 from source files
dated 29 Jan 2022

b4bf56fc-6e3d-5a7c-9f55-25d2c3645a88